

Michlbauern - Rud

Rudenkirtag Sierning Faschingdienstag 21.2.2023



<p>De Zeiten san schlechta worn a ban Rudnkirda is zan Sporn aus Kostengründen wird diskutiert Über Fümaufnahme und in Wirt nix mehr was mit schei schau weima koa Kamera mehr haum umsunst aufgmaschlt hätt's eich do vorn kunnts uncheniert nosnbohrn</p>	<p>Da Matthias Meier unsa Olympionist wor in da Obfohr a Spezialist nochan Interview min Pariasek isa ums Haundumdrahn weg dazua hättma a Idee fia unsa Rudenkommittee weil se bei eana nix mehr tut kern de a interviewt</p>
<p>Sierning hot an neichn BGM wiama siacht wei hiatzt endlich wos gschicht er gibt Gas des is net ohne drum gibt's de neiche 30er Zone und d'Rechtsregel kummt dazu im Ortszentrum herrscht Chaos pur waun d'Leichnblosa zan Friedhof maschiern daun sans de gschwindan vo Sirene</p>	<p>Mir brauchn a storkes Bundesheer wei de Norrn wern oiweu mehr Kludia Tanna ois storke Frau vaschreckt de meistn schau min Gschau Sie is de neiche, wissts des eh unbemaunte Kampf-drohne waunsta in da Nocht untakimmt schießt die au gaunz bestimmt</p>
<p>S'Übalend vom Forsthof wissts des schon im Jogdhaus gibts a Atraktion ein Gastbetrieb seit geraumer Zeit mit an Koch dens wirkli gfreit kaust guat Essn, Bedienung a Haumma an Preis haums kriagt vo da Wirtschaftskaumma einzigartig de Sensation d'Jungunternehma san in Pension</p>	<p>schwierig is da Wintersport ohne Schnee is hoid hoart greane Pistn mit an weißn Bandl do kaunst foan min Summagwandl Eisstockschiassn kimmt zum erlieg'n wird nur mehr in da Halle betriebl wimmt d'Erwärmung weida sein Lauf taut sogar da Lohmor Rudi nuamoi auf</p>
<p>Im Hoizquadrat is jetzt da Maschinenring da Eybl Helmut is Chef, weiterhin Büroausstattung supa fein a 3 Kuchin gibts obendrein noch jeda Besprechnung im Orbeitskreis gibt's an Lita rot an Lita weiß damita net hoamschleicht üba d'Föda kriagta a g'Schleif en Kölla</p>	<p>Köstinger Elli Tourismus, Chefin wor zuaständig fian Genderwahnsinn hättma zu Ihr frira gsogt du blede Kua, hätt's uns klogt heit wa da richtige gegenderte Name ungebildete Weidedame doch da Kickl sogt dazua sie is und bleibt a blede Kuah</p>
<p>Bei uns en Oscha des hobts sicha ghert haumse D'Viern im Trinkwossa vamehrt d'Ursoch liegt in Sierng laut Abschlussbericht kimmt vom Friedhof, der is net dicht dort is vasickat des stingade Zeig durch Steyr druckses uma liebe Leit drin is Botox und Silikon is jo koa Wunda wos ois vagrom</p>	<p>Da Bindaberga Hannes mir san froh mit sein pämierten Most wieda do mocht ban Rudenkirda des is klor mehr Umsatz wirs gaunze Johr a jeda Most a ersta Preis es steckt hoid drin Orbeit und Schweiß hot en bessan Plotz wieda kriagt obwoisda en Pfordstuzn einziagt</p>

<p>Schreckseis Renate tuat berichtn das im Kölla Schwammerl zichtrn bei da Baunbundsitzung sogts mit elan dass de Pilze hüfreich san auf die Froge wos is da Grund sogt sie im Vorstaund vom Bauernbund de danse ban Herbert bsundas entfoitn weil sie Spermizin enthoitn</p>	<p>Christlbaun Helga braucht a Glostiar fia Dusch da Gust mort mit Ihr wird des a Pfusch sie mocht des söbm und ruaft glei au und frogt net laung wer is dort drau va laudas redn wos sie ois mecht hots aum End 5000 blecht und wer D´Helga a bissl kennt Sie hot fia jeds Wort an Euro brennt</p>
<p>da Mandorfa Poid hot an neichn VW Bus kriaht mit dema vo Einsatz zu Einsatz fliaht a modernes Navi is a drin doch des haut net wirkli hin bauts des Glumpad wieda aus des Weibaleit hoit jo koana aus bei jedn Friedhof wirda bleich sie sogt se haum Ihr Ziel erreicht</p>	<p>Postämter haums gschlossn wor geplant vo laun- ga Haund min Sanktus vom Postvorstaund eingehoitn wern 1000 Gebote auch die wichtige Frauenquote Kircha mochts ungeniert hot gschwind s´Steyratoi fusioniert zu bewundan da Sperka der bringt wos weida und des ois ohne Weiba</p>
<p>da Sperka Korl prädigt – das Liebe vöd wei es geht jo nur ums Göd da p´Fisti Lois schaut vaduzt ois a Kirchadochzüagi aufs Auto rutscht da Pforra moat, dua net jamman aun soiche Kloanigkeiten klammern es schickt der Herrgott dir ein Zeichen um nicht vom Wege abzuweichen</p>	<p>En Stoanasdorf in da Orbashuab gibt´s a neiche Güllegruab a runds Maschinhaus kimmt obndrauf des schaut schauglei göttlich aus olle woin segn en Korl sein Dom es entsteht a morts Besucherstrom drum kimmt sei Blosn richtig drau weila nimma ins Eck schiffn kau</p>
<p>Denan Leit is olle fad des zoagn de Proteste en Lützerath oana kreut aum Bam bindt se fest da nächste wohnt im Taubennest de Ideen wern oiweu absurda aungeblich gibt´s schau so a Luada en NÖ hertma das oane zickt und aum LH Sessl pickt</p>	<p>Unsre Politik in Pausch und Bogen is doch hint und vorn verlogen da Schmid hot olle auffliagn lossn Wöginger, Karmasin und Genossn drum wird de Hymne neich präsentiert jedoch komplett generalsaniert Haund aufs Herz und singts glei mit Land der Berge, Land der Äcker waundst wos orbeist host an Becka arbeitsscheu und hoffnungslos Volk und Heimat begnadeter Pfeifen Basti, Sobotka und dergleichen Vielkorruptes Österreich Vielkorruptes Österreich</p>